



Na osnovu člana 94. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17, 30/19, 34/20, 33/21), člana 3. i 4. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18, 30/19) i Odluke Školskog odbora JU OŠ „Hamdija Kreševljaković“ Sarajevo o raspisivanju Javnog konkursa broj: 01-1-845/23 od 01.9.2023, raspisuje se

JAVNI KONKURS
za izbor direktora/direktorice JU OŠ „Hamdija Kreševljaković“ Sarajevo
na period od četiri godine

NAZIV I SJEDIŠTE ŠKOLE

JU OŠ „Hamdija Kreševljaković“ Sarajevo
Carina 2
71000 Sarajevo

UVJETI KONKURSA

Kandidat koji konkuriše na poziciju direktora/direktorice škole, pored općih, mora ispunjavati i sljedeće uslove:

- a) da u pogledu stručne spreme ispunjava uslove za nastavnika, pedagoga, pedagoga-psihologa škole u koju konkuriše,
- b) da ima najmanje osam godina radnog iskustva i od toga najmanje 5 godina radnog iskustva na poslovima u nastavi ili na pedagoško-psihološkim poslovima ili na rukovodnim poslovima u školi,
- c) da ima najmanje sedmi (VII) stepen stručne spreme, odnosno završen najmanje II ciklus bolonjskog visokoobrazovnog procesa,
- d) da ima najmanje zvanje mentora,
- e) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na Javni konkurs,
- f) da se na njega ne odnosi član IX. 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred Tribunalom),
- g) da nije osuđivan za krivično djelo i privredni prijestup nespojiv sa obavljanjem dužnosti direktora škole,
- h) da nema privatni finansijski interes u školi u koju se kandiduje za direktora,
- i) da nije lice koje boluje od zarazne ili duševne bolesti,
- j) da nije alkoholičar, odnosno ovisnik o opijatima,
- k) da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju tri mjeseca i više,
- l) da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine i Zakonom o ministarskim, vladinim i drugim imenovanjima Federacije Bosne i Hercegovine,
- m) da nije lice razrješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora.

ROK ZA PODNOŠENJE PRIJAVE

Javni konkurs se istovremeno objavljuje u dnevnim novinama „Oslobođenje“ i na službenoj internet stranici Ministarstva za odgoj i obrazovanje Kantona Sarajevo dana 06.9.2023. i ostaje otvoren 15 dana od dana posljednjeg objavljivanja.

Krajnji rok za prijavu na javni konkurs je 21.9.2023.



VRIJEME ZA KOJE SE VRŠI IMENOVANJE

Imenovanje direktora/direktorice JU OŠ „Hamdija Kreševljaković“ Sarajevo vrši se na period od 4 (četiri) godine (2024 – 2028).

DOKUMENTACIJA KOJA SE PODNOSI UZ PRIJAVU

Kandidati koji konkurišu na poziciju direktora/direktorice škole dužni su dostaviti sljedeću dokumentaciju (original ili ovjerenu fotokopiju):

- svojeručno potpisanu pisana prijava kandidata na javni konkurs sa kontakt podacima kandidata i navedenom dokumentacijom koju prilaže uz prijavu,
- kraću biografiju (CV),
- Izvod iz matične knjige rođenih,
- Uvjerenje o državljanstvu (ne starije od 6 mjeseci od dana objavljivanja konkursa),
- Diplomu o stečenoj stručnoj spremi,
- Uvjerenje o položenom stručnom ispitu,
- Rješenje o sticanju višeg stručnog zvanja,
- Uvjerenje/potvrdnu o radnom iskustvu i radnom iskustvu na poslovima u nastavi ili na pedagoško-psihološkim poslovima ili na rukovodnim poslovima u školi,
- Izjavu ovjerenu od strane ovlaštenog općinskog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na Javni konkurs,
- Izjavu ovjerenu od strane ovlaštenog općinskog organa kojom kandidat potvrđuje da se na njega ne odnosi član IX. 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred Tribunalom),
- Izjavu ovjerenu od strane ovlaštenog općinskog organa kojom kandidat potvrđuje da nije osuđivan za krivično djelo i privredni prijestup nespojiv sa obavljanjem dužnosti direktora škole,
- Izjavu ovjerenu od strane ovlaštenog općinskog organa kojom kandidat potvrđuje da nema finansijski interes u školi u kojoj se kandiduje,
- Izjavu ovjerenu od strane nadležnog općinskog organa kojom kandidat potvrđuje da nije lice koje boluje od zarazne ili duševne bolesti,
- Izjavu ovjerenu od strane nadležnog općinskog organa kojom kandidat potvrđuje da nije alkoholičar, odnosno ovisnik o opijatima,
- Izjavu ovjerenu od strane ovlaštenog općinskog organa kojom kandidat potvrđuje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju od tri mjeseca i više,
- Izjavu ovjerenu od strane ovlaštenog općinskog organa kojom kandidat potvrđuje da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti Federacije Bosne i Hercegovine i Zakonom o ministarskim, vladinim i drugim imenovanjima Federacije BiH,
- Izjavu ovjerenu od strane ovlaštenog općinskog organa kojom kandidat potvrđuje da nije lice razrješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora.

Napomena:

Ljekarsko uvjerenje izdato od nadležne zdravstvene ustanove koje nije starije od šest mjeseci, izabrani kandidat dostavlja Školi nakon imenovanja direktora/direktorice škole.

Uvjerenje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju od tri mjeseca i više, te uvjerenje da nije osuđivan za krivično djelo i privredni prijestup nespojiv sa obavljanjem dužnosti direktora škole, bit će pribavljeno po službenoj dužnosti za izabranog kandidata.



Osnovna škola „Hamdija Kreševljaković“ Sarajevo

Primary school „Hamdija Kreševljaković“ Sarajevo

NAČIN I ROK OBAVJEŠTAVANJA KANDIDATA O REZULTATIMA KONKURSA

Školski odbor će, u roku od 8 (osam) dana od dana donošenja odluke o izboru kandidata za imenovanje direktora/direktorice škole, o navedenoj odluci u pisanom obliku obavijestiti sve kandidate koji su se prijavili na Javni konkurs.

Procedura izbora i imenovanja direktora/direktorice škole obaviti će se u skladu s Pravilnikom o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18 i 30/19).

DOSTAVLJANJE PRIJAVE I DOKAZA O ISPUNJAVANJU UVJETA

Svojeručno potpisanu pisanu prijavu i traženu dokumentaciju kandidati dostavljaju poštom preporučeno ili lično sekretaru škole na adresu: JU OŠ „Hamdija Kreševljaković“ Sarajevo, Carina 2, 71000 Sarajevo, u zatvorenoj koverti s naznakom „Prijava na javni konkurs za izbor direktora škole – ne otvaraj (Otvora Komisija)“

NAPOMENA

Nepotpune, neuredne i neblagovremene prijave neće se razmatrati.